

UNIVERSITY OF LIND
PÖETICAM VE-
TEREM ROMANAM

ÆQVE AC GRÆCAM
CLEMENTISSIMIS AUSPICIIIS

FRIDERICIANIS

IN ILLUSTRIS

CHRISTIANALBERTINA,

P R Æ S I D E

SEBASTIANO KORTHOLTO,

PÖES. PROFESS. ORDIN.

A CONTEMPTU SCRIPTORIS

PARRHASIANORUM

DIE SEPT. ANNI MDCCHII.

PUBLICÆ VINDICABIT.

WILHELMUS LUDOVICUS ~~Studemann~~

CREMPA-HOLSA

SS. Th. St.



KILONI,

Typis BARTHOLDI REUTHERI, Acad. Typogr.

1783



(3)

Q. F. F. Q. S!

§. I.



Parrhasius pictor perquam artificiosus, sed quo nemo gloria artis, teste Plinio, insolentius & arrogantius utebatur, linteum aliquod pectoris politissima arte tam ingeniose pinxerat, ut ipse Zeuxis, cum non fictum illud sed verum esse judicaret, se superatum coram ingenue fateretur. Parrhasianorum Scrip-
 ptor qui sibi Parrhasii nomen ascivit, non parum multa in Parrhasianis tam artificiose proponit, ut ipsos etiam parum cautos artis magistros interdum fallere velle videatur. Non autem deerunt inter bene multos ejus antagonistas, quibus novitius hic Parrhasius, uti olim Atheniensis ille pictor victori Timanti, palmam concedere cogetur. Etenim cum novitate ei nihil sit antiquius, ipseque in præfatione Parrhasianorum insolenter gloriatur, nihil se proferre quod jam dictum sit prius, & quibus seculum nostrum non indigeat: neque tamen ad omnes res & scientias quas tractare audet præparatum afferat animum, sed ingenio suo ab odio poetarum priscæ Romanorum æque ac Græcorum occupato nimis indulgeat; aliarum rerum quam ejusmodi deliciarum intelligentior, ad quas propius accedere non sustinet, illas eminus allatrat, & plenus inconsideratissimæ temeritatis tuetur, non solum antiquos Græciæ, ve-

*Parrhasiana ou Pen-
 sées diverses etc. par
 Theodore
 Parrhase
 à Amsterdam.
 1699. 8.*

rum etiam Italiæ Poëtas ad imitationem æmulationemque minime proponendos, sed ab eorum ornamentis prorsus atque omnino abstinendum illi qui non vilis imitator veterum, sed poematis auctor velit haberi; * ideoque novam Poeticam excogitandam; ** nec latino sed vernaculo sermone poemata esse pangenda. ***

Parrh. p. 53.

§. II. Parrhasium, (qui frustra contendit neminem rectius Grammaticis de Poetica existimare posse, quod illi, licet Pœtæ non fuerint, artem

* Parrh. p. 6. *S'il n'y en a pas encore, inquit, qui aient égalé Homère & Virgile, dans les langues modernes; c'est, comme je croi, que l'esprit d'imitation regne trop parmi eux. Ils mêlent encore trop dans leurs Ecrits des ornemens poétiques de l'ancienne Grèce & de l'ancienne Italie, dont il faudroit, entièrement se défaire, pour passer pour des originaux.*

** Ibid. *Pour cela, il faut que quelque heureux génie, & qui soit entièrement au dessus des pédanteries de l'Ecole, montre exemple aux autres, & fasse voir aux nations d'aujourd'hui ce qu'Homère pourroit leur faire voir, s'il naissoit à présent parmi nous, & qu'il inventât de nouveau la Poésie sur les idées du bon sens, qui sont infiniment plus connues à présent qu'autrefois.* conf. p. 71.

*** *A l'égard des Poètes, ceux d'aujourd'hui (je parle de ceux qui écrivent dans les langues mortes) ne sont que des Ecoliers, en comparaison de ceux d'autrefois. D'où vient cela? C'est que les Modernes sont de vils imitateurs des Anciens -- qu'ils ne sont poètes que par routine & par imitation, & nullement parce qu'ils ont pénétré les principes de l'art. -- Pour se défaire de cet esprit servile d'imitation il faut écrire dans sa Langue. Alors on pense moins aux expressions & aux pensées des Anciens, &c.*

artem tamen poeticam omnium optime tradiderint, & nos docuerint quicquid potuerit doceri) cum poeta ipse non sit, de principibus illorum atque adeo de tota arte poetica in Parrhasianis, qua quidem parte de poesi agit, male utique statuisse, aliquot dissertationibus propediem planum faciam; nunc vero tantummodo evincam, eundem antiquorum Vatum Græcorum & Latinorū poemata manibus nostris nimis παρρησιασικῶς eripere, rhythmis popularibusque recentum poetarū versibus summopere commendatis. Permirum siquidem videtur inter copiosas & iustas faciendæ rei occasiones fortunas suas dedita opera amplificare nolle. Ergo posteri legitimi majorum heredes nos exheredari permitteremus, quasq; Veterum industria possessiones novis accessionibus locupletandas reliquit, secus suadente utilitate & secus jubente necessitate, prudentes scientesque adspernabimur? Nonne præposterum atque alienum videtur, cum non desit unde large liberaliterque vitam agere possimus, iis tamen opibus posthabitis ad alias parandas abire, & accedere ad rivulos fontibus contemptis, glandeque vesci velle frugibus relictis?

§. III. Minime gentium, si quidem Parrhasium audimus, qui cum nobis veterum Poetarum usu plane interdicat, nos vult esse similes Philosophis antiquis, quibus cum pecunia

cunia plena atque præclara obvenisset, illam veluti inutilem & noxiam in mare immiserunt. At enimvero quodsi omnium sapientum judicio non nisi præstantissimis consvoscendum scriptoribus est, quos in succum quasi & sanguinem convertamus, quorumque virtutes non solum imitatione effingamus, sed etiam pro virili parte superare adnitamur, quis non merito miretur Parrhasium suasorem existere, ut veteres Græciæ Italiæque Poëtas à nobis prorsus segregemus æque ac

Parrh. verba lege diff. hujus §. 1. Homerum & Maronem: quorum tamen poemata omnibus aliis quæ unquam lucem adspexere anteponenda ipse recte judicavit.

Et conf.

Parrhas.

p. 66.

§. IV. Et sane, quod ad Maronem attinet, difficiliter dixeris, utrum majori cura & judicio an successu, cum pastoritiam fistulam ori adhibuit Theocritum, cum terræ cultum versibus mandavit Hesiodum, & denique ubi Arma Virumque cecinit, voverit Homerum; cui versum eripere difficiliter existimavit, quam Herculi clavam extorquere, quod uti Achilles Pelei fuit invincibilis, ita Homeri inimitabilis videretur. Tantum autem abest ut ideo reprehendus sit, ut potius maximis laudibus efferrimeretur. Nec enim hanc imitationem sibi dedecori esse judicabat prudentissimus poetarum, qui imitorem sese ingenue profitetur, cum Theocriti gratia, Sicelidas Musas & Arethusam

invo-

invocat, & quod carmen Hesiodus græce, se-
per Italiæ oppida latine canere affirmat. Ejus-
dem Æneis cum immensam Iliados bonorum &
Odysseæ opulentiam, & majestatem sententia-
rumque fulmen & verborum pondus in sese
derivavit, acerrimo judicio poeta id consecutus
est, ut Homerus ex ipso, non ipse ex Homero,
quem æque ac alios se præcedentes poetas præ-
cessit, similitudinem duxisse videatur.

§. V. Quæ cum ita sint, Virgilioque licu- *Jo. Clericus*
erit, uti loquitur Joannes Clericus, ad verbum *in præfat.*
Græcos Poetas Enniumque etiam aliosque la- *orat. Comp.*
tinos aliquando exscribere; cur nobis non lice- *Eccles.*
ret ab ipso Virgilio mutuum accipere quod ille *poëm. Davi-*
antiquioribus debuit? Quam in rem videndus *dis Clerici*
eruditus libellus Fulvii Ursini, quem inscripsit *editor. Am-*
Virgilium Græcis Scriptoribus collatum. *stel. 1687-8.*
Idem
argumentum exsecutus est perdiligenter Henri-
cus Stephanus, aliique. Cur itaque cum Jo.
Clerico adversus Parrhasianorum auctorem
scriptorum Clerici defensores & propugnato-
rem non tueamur, tritam maximis poetis viam
sine reprehensione terendam esse, & sapientiarum *Parrhasia-*
tione deligendos quibuscum, veterum exemplo, *nis addi-*
de palma & gloria contendamus. Præstitit hoc *ta est: la dé-*
Flaccus, quem ab Alcæo, Pindaro & excellentis- *fense de di-*
simis Græciæ Poetis non parum multa accepisse *vers ou vra-*
manifestum faciunt, quæ nobis etiamnum ex ci- *ges de Mr.*
verbis imperii græcorum exiguae superant re- *le Clere,*
liquia.

liquiæ Lyricorum, quorum leges auctoritatem
& exempla sectatus est quam diligentissime.

*Parrhasi-
ana p. 6.* §. VI. Quid dicam de Homero, quem cave
putes ingenio suo omnia debuisse, & quod Parr-
hasius statuit, poesios suæ primum inventorem
neque imitatore[m] fuisse. Nam vir longe doctis-
simus D. Jo. Albertus Fabricius Bibliothecæ suæ
Græcæ libro primo declarabit LX. Scriptores
græcos ante Homerum extitisse commemorari.

In iis offendi Poëtas quibuscum æmulatus sit Ho-
merus quis ambigit? Cicero sane in Bruto, non
“dubitari debet, inquit, quin fuerint ante Home-
“rum Poetæ, quod ex iis carminibus patet, quæ
“apud illum & in Phæacum & Procerum epulis
“canuntur. Ejusmodi carmina eum legisse &

*Rap. observ.
in poem.
Homeri
& Virg. p.
107. edit.
lat. cele-
berr. Brunk-
husii.* imitatum esse consentaneum utique videtur.
Nec enim, judice Rapino, Homero integra inven-
tionis gloria tribui debet, quia manibus trivit
res in obsidione Trojana gestas, quas Hegesia-
nax versibus comprehendisse Athenæo memora-
tur; & Jliada quam Suidas Antimacho cuidam
& quam Corinno ascribit, quamque Syagrio æ-
quali Homeri, qui poemata hæc dedita opera
suppresserit, ut primus Jliados auctor haberetur.
Proinde poetarum Angliæ h. t. princeps haut
temere contendit Poema Epicum Homerum
omnium primum haut contexuisse, sed aliorum
carminum lectione tanquam aquarum inductio-

ne sua irrigasse. * Prudens sciensque prætereo
Homerum dici respexisse primo Iliados versu ad
hunc Orphei :

μήνιν αἶδε θεὰ Διὸς Ἀμητέρου ἀγλασπάρου.

Eschenb. E-
pigenes de
Pœssi Orphi-
ca Norib.

aliaque non parum multa, quæ eidem tribuun-
tur, imitatum esse, quod id pluribus probandum
susceperit Cl. Eschenbachius. Neque faciam
mentionem Sibyllinorum carminum, quorum
versus Homerum sublegisse a Diodoro Siculo li-
bro secundo & a Boccho relatum Solinus capite
octavo affirmat; neque Lini, Musæi, Eumolpi,
Aristei aliorumque Suidæ, Eusebio, Laërtio Vossio
& pluribus commemoratorum : qui licet ante
Homerum dicantur vixisse, non desunt tamen
qui eorum vel nomina vel scripta supposititia esse
tueantur.

1702, 4.

§. VII. Neque vero alios tantum, sed se
ipsum quoque superare voluit Homerus, cum
versus suos paululum immutatos æque ac Vir-

B

gilius

(*) Richardus Blackmore in sermone Principi Arthuro
poëm. Epico præfixo Lond. 1696. fol. *Homer*, inquit,
was not the first writer of an Epick Poëm. We find Aristotle de
arte poet. makes mention of several, I suppose, before him: He
tell us of an Epick Poëm intituled: The little Iliad, and another
the Cyprica; and censures them both, as containing many per-
fect, distinct and independent Actions. The last of these poems
is likewise mention'd by Herodotus in Euterpe, by Athenæus and
Pausanias. And 'tis likely many more such poems were written
before Homer's time, who might be well suppos'd to have imitated
them in what they had done well, as well as to have improv'd them
in avoiding many of their errors.

gilius frequentare non dubitavit. Ita quoque M. Tullius, quem abundantia quadam ingenii præstare constat, eadem tamen verba easdemque urbanitates & lumina orationis non raro iteravit, integrasque dissertationes sæpenumero varie tamen retractavit. Quorum virorum servile fuisse ingenium quis unquam affirmavit? Idcirco minime audiendus Parrhasius cum nostræ ætatis poetis qui ad veterum virtutes imitando se fingere nituntur servilis ingenii notam inurit. Videlicet ingenii poetici flumen, velut extra ripas affluens amnis, reprimendum nonnunquam & intracertos quosdam terminos dictatis antiquorum cogendum est, ne latius se diffundat posthabita exactissima veterum norma & artis Aristotelicæ præceptis.

§. VIII. Hæc nisi dedita opera negligerent Hispani, sed veluti opes e maxime diffitis Americæ regionibus advehunt, ita thesauros quibus nos locupletarunt majores ex antiquitate arcesserent, ad veterumque græcorum & latinorum poetarum imitationem se componerent, ante omnes alias gentes Musarum principatum possiderent, ut in præfatione Bibliothecæ Hisp. ingenue judicat Nicolaus Antonius. At enim vel celeberrimus inter illos Lopes de Vega, qui vitia sua non ignoravit sed amavit, teste Menagio, &, quod Parrhasianorum auctor fieri jubet, novam artem poeticam ab Aristotelica diversam excogitavit, libro

Ma-

*Parrh. ver-
ba lege dis-
sert. hujus
§. 1.*

*Men. Anti-
Baillet Tom
I. pag. 32,
Parrh. ver-
ba lege §. 6.*

Madriti anno MDCXXI. publicato, quem inscri- *hujus diff.*
 pserat: *Discurso sobre la poesia culta*; cives ipsius *conf. Parrh*
 ita illum spreverunt, ut ne quidem dignus habe- *2. 7. 1.*
 retur, qui inter reliqua ejus opera aliquo loco &
 numero esset, sed eundem semper proterendum
 conculcandumque judicarunt: poëma vero epi-
 cum Lopesii nulla habitatione regularum Ari-
 stotelis poeticarum elucubratum, quod virium
 suarum fiducia, ambitiosaque vanitate deceptus
 duces veluti supervacuos præpostere neglexisset,
 & turpiter se dedisset, flocci non fecerunt, ut pe- *Rapin. S. 1.*
 nes Renatum Rapinum in observat. poet. & a. *p. 117.*
 pud Adrianum Bailletum de Arte poetica relatum *Bailles p.*
 legimus. Uti inter Hispanos Lopesius, ita inter *49. f.*
 Anglos Wilhelmus D'avenant cum se accingeret
 Gondiberto suo poemati (epico, quod Hobbes *verba Hob-*
 cum Iliade & Æneide contendit, noluit, sicuti ipse *bii lege S.*
 profitetur, a poetarum cynosura facem sibi præ- *19. hujus*
 ferri, terram quasi incognitam adsciscendæ lau- *diff.*
 dis causa scilicet detecturus. Neque tamen de- *Davenant*
 textit, judice Thoma Rymero Historico regio & *in Gondib.*
 critico Angliæ celeberr. qui potiores ejus aber- *præf. p. 19.*
 rationes & lapsus dedita opera manifestavit, poe-
 tam false perstrinxit, & potius risum tyronum
 quam Philosophorum admirationem moturum
 existimavit in sermone præfixo Arti poeticæ Ra- *Conf. Ser-*
 pini anglice à se versæ: ubi pariter Arabas lace- *mo Westeji*
 fit quod pro nihilo putent poeticas Aristotelis *pöem. epico*
 leges, quocirca luxuriosa non cohibeant, ordinis *præfixus.*

expertia non digerant, neque exultantia confringant. Quod cum etiam animadverteret Averroës, in commentariis in Aristotelem maluit consuetudinem civium suorum vitiosam, quam poeticam Philosophi imperfectam nuncupare. Quæ cum ita sint, Theophilus Viaudus, Gallus, ut

Balz. lib. I. alios brevitatæ causâ præteream, audaci superbæ dicam an superbæ audaciæ nimium itidem indulgit, dum propositas sibi a Balzaco veterum regulas ut nimis severas atque difficiles adspersatus est, novaque ad Parnassum semita contendere, ac sine cortice natæ affectavit. Nam displicuit potioribus Aristarchis Gallicis Bolæo, Rapino & Pelissonio, ac denique similis factus est illi, qui cum artem suam saltandi insolentius jactaret, præcipitem se dedit.*

§. IX. E contrario cum Richardus Blackmore *Principem Artburum* poemâ suam epicam ad normam Virgiliani quod ad indolem rationemque hujus ævi omnium optime accommodatum sit,) ut ipse profitetur ** exactum publici juris fecisset, recte existimantium studia & oculos.

* *Despreaux Sat. 9. pag. 50; Rapin: refl. gen. sur la poët. pag. 39. & 81. Peliss. relat. de l' Acad. franç. p. 288. &c.*

** *Blackmore in præf. Principis Artburi, I do not make, inquit, any Apology for my Imitation of Virgil in so many places of this poem; for the same great Master has imitated Homer as frequently and closely; and I do not find that any of his Criticks have condemn'd him for his doing so.*

los illud in se convertibat, locupletissimumque ab iisdem laudum testimonium exprimebat. Equidem celeb. poeta & Aristarchus Jo. Dennisius vitio vertit Blackmore, quod vestigiis Maronianis nimium adhæserit; * verum Poëta Epicus ubi paulo post *Regem* suum *Arthurum* poema heroicum (quod quia ad nullum antiquorum poetarum exemplum respexit ** eundem applausum neutiquam tulit quo exceptum erat prius) exponeret in lucem, imitationem hanc laudi sibi utiq; cessisse affirmatū. Neq; enim Godefridū Knel-lerum, Lubecensem, pictorem inclutissimum dignum reprehensione videri, quod ad inimitabilis Raphaelis Urbini virtutes proxime accedat, vel illum plane exprimat; neque Christophoro Wrenio exprobrari merito posse, quod modo in condendo S. Pauli incomparabili Templo Londinensi e Michaelē Angelo nimiam similitudinem ducat. Et quis quæso Zeuxidi, qui pinxit æternitati, objiciat, eum mirandam Helenæ formositatem efficturum ex complurium puellarum pulcherrimarum dissimilibus formis illam velut excerptisse? Nam cum veritatem ex

B 3

ani-

* *Remarks upon Prince Arthur by Mr. Dennis London. 1696. chap. III. p. 13. f.*

** Ipse Blackmore *As I had not, inquit, my Eye upon any other Model, so I am not conscious to my self of having us'd any Authour's Thoughts or Expressions, excepting two or three Images taken from Homer, and a few allusions to some inventions of Milton, whom I look on as a very Extraordinary Genius.*

animali exemplo in mutum rei simulacrum artificiose transtulit, Apellem, utique superavit, qui cum sola sua niteretur imaginatione coactus est manum de tabula imperfecta tollere, quod Venerem se, quo cœperat modo, perficere posse desperaret.

§. X. Pictoribus similes poëtæ sunt, itaque non dubitant optimorum artificum labores imitari, & quo præstantiores eo studiosiores sunt, ut ab antiquorum excellentia propius absint. Non vacat jam rei testatæ afferre testimonia, nisi Josephi Scaligeri quoniam illum Criticum tam illustrem ipse Parrhasius appellat, ut eruditionem ejus nemo omnium quos novit exæquet. Is in confutatione fabulæ Burdonum maximæ laudi sibi ducit, quod usurparit ea quæ veteres occu-
 „ parint. Nam quid facient, inquit, Virgilio, qui
 „ nihil pene nisi alienum habet : sed dispositione
 „ & inventione aut fecit suum, aut melius ? Qui
 „ de Hieronymo Vida aliter sentiet quam de sum-
 „ mo & perfectissimo poëta, nugas aget. Ta-
 „ men si ex Christiade, Poëtica, Bombycibus,
 „ ludo Scacchiorum omnia Virgiliana frustra su-
 „ stuleris, quod Vidæ proprium relinquetur,
 „ aut perexiguum erit, aut nihil. Ut paucis com-
 „ plectar; omnino corniculâ Horatianâ hic videbi-
 „ mus, sed nō est porcorū de amaracino judicare &c.
 Scaligeri judicio Isaac Casauboni subtexam, quia
 par elogium illi tribuit Parrhasianorum scriptor,

& is de Persiana Horatii imitatione nemo, inquit, qui vel summam humanitatis studia attigit, " Persii satiras legit quin statim imitationis Horatianæ aliqua saltem vestigia deprehendat. " -- -- Et tamen ea arte eo judicio in hac parte " usus est poeta ingeniosissimus, ut qui adeo multa non sua usurpat, suus tamen ubique sit, nec " alieni beneficii fere quicquam, verum propria " omnia habere videatur. &c. Facerē modo quoque mentionem Menagii pro imitatione veterum acerrime propugnantis, nisi is fucorum more aliena pabula ut sunt constructa nonnunquam diriperet, & nisi eundem stultum Parrhasius appellasset, cum coram recitarem hanc ejus distichi satis noti imitationem :

Grotiadæ certant de religione Socinus,
 Arrius, Arminus, Calvinus, Roma, Lutherus.
 Videlicet summi Poëtæ Hugonis Grotii, valde studiosum Parrhasium coram cognovi, ejusdemque scripta in Parrhasianis ita admiratur, ut ea supra invidiam collocet. Is si ubivis magnus, in carminibus incomparabilis & plane divinus, judice Cl. Sarravio, est. Quam virtutem veterum lectioni imitationique se unice debere ipse in epistola ad fratrem Guilhelum Grotium data Romæ MDCXV. & carminibus suis præfixa profitetur. Ut enim sequax ac ductile ingenium suum e cujusve poetæ lectione incaluerit ; ita ad ejus imitationem se raptum, & alibi Lucani spiritum

Parrhas. l. c. 8 p. 346.

Sarrav. in prefat. epist. Grotii ad Gallos.

ritu plenum, interdum Manilii studiosum¹, nonnunquam autem castigatius aliquid ad Statii & Claudiani instar conatum agnoscit, seseque imitatore[m] profitetur; ideo ne utiquam vilior poeta. Sicuti ap[er]is magis contempta non est quam aranea, quamlibet illa ex variis floribus quæ in usus suos oportuna sunt legat, ex iisque mella conficiat flores redolentia transformatos; hæc vero quæ ducit fila soli corpori suo & sinui debeat.

§. XI. Cum Apes laudabiliter imitentur meliores Poëtæ recentiores, Parrhasius prudenti cuiquam tam facile haut persuadebit, ut veteres suas sibi res habere jubeat, nec in eorum vestigiis pedes ponat, sed nova inventa antiquæ Aristotelis arti anteponat. Hanc vero sagacissimus poeta & criticus Rapinus nihil aliud esse ait,* quam ipsam naturam methodo comprehensam, commentariisq[ue] suis & laudibus dignissimam censuit æque ac Petrus Victorius, Vinc. Madius, Franc. Robortellus, Ant. Riccobonus, Franc. Patricius, Barthol. Lombardus, Alex. Paccius, Andr. Ghilinus G. J. Vossius, Dan. Heinsius, Hier. Vida, A. S. Minturnus, M. A. Majoragius, Paulus Benius, Alex. Piccolomineus, Lud. de Castelvetro, Theodorus Goulstonus, Frid. Sylburgius, Franciscus Bonamicus, & Goncalvez de Salas, Post illos Andreas Dacierius & Renatus Bossu hoc saxum lauda-

* Rap. Comparais. des grands hommes *Amst.* 1686.
T. II. p. 113. *La poétique d'Aristote n'est que la Nature mise en methode, & le bon sens reduit en principes.*

laudabiliter voverunt, & sicut plerique reliquorum ingenue agnoverunt, Stagiritæ & antiquorum omnibus numeris absolutis præceptis se nihil neque addidisse neque detraxisse, sed ea tantum quodammodo illustrasse. Et merito sane Vossius in præf. Instit. Poeticarum contendit neminem eorum plus laudis meruisse, quam qui ab Aristotelicis dictatis minimum recesserit.

§. XII. Omnium autem optime opere ipso illa expressit P. Virg. Maro admiratio * & delitiæ omnium seculorum & nationum. Quas cum desipuisse nemo sapiens dicet, oportet utique poeticam illius præcellentissimam nunquam non visam fuisse. Nec modo præpostere repudianda est, perinde quasi, licet iudicio polleamus eoque utamur, nihil inde ad nos utilitatis redundet, sed potius mentem nostram ideis & cogitationibus veterum corrumpat. Ita quidem statuit Parrhasius, cui nostræ ætatis Poëta videtur magis prompto, idoneoque ad excogitandum ingenio, & verbo magis *εννοητικὸς* ** quam quondam

C

fue-

* *L' antiquité d'un Ecrivain n'est pas un titre certain de son mérite: mais l'antique & constante admiration qu'on a toujours eue pour ses ouvrages est une preuve sûre & infallible qu'on les doit admirer.* Despreaux refl. crit. sur Longin. refl. 7. p. 217.

** *Utor voce græca quia Bolæus in notis ad Longinum (p. 109.) eandem cap. III. περὶ ὀψὺς adhibentem εννοητικὸς, inquit, veut dire un homme qui imagine, qui pense sur toutes choses ce qu'il faut penser, & c'est proprement ce qu'on appelle un homme de bon sens.* Loquitur autem de ejusmodi hominibus (de bon sens) Parrhasius loco §. I. hujus diff. citato. Conf. Parrhasiana p. 13. 16. 20.

fuerint antiqui: quocirca Novam Artem Poeticam invenire debeat, poeticis veterum exemplis omnino reprobatis, quippe quæ solum impedimento fuerint quo minus ad excellentiam Homeri & Maronis recentiores adspiraverint, si verum sit hos illis esse postponendos.

§. XIII. Operæ pretium videtur, ut declaremus, Parrhasi, te licentius pronuntiare, totaque aberrare via, dum investigas rationes per quas temporis nostri Poetis Veterum principes Epicæ poematis scriptores haud liceat exæquare: cum tamen Philosophos, críticos & antiquos Scripturæ interpretes, quod si vitæ suæ restituerentur, ultro daturos & concessuros temere putes, se cum hodiernis nullo plane modo posse comparari. Non desunt inter eruditos qui tantæ inæqualitatis causam ostensuri, contendunt, cum poëma Epicum aptum undique expletumque omnibus suis partibus & numeris, ac omnium operum humanorum perfectissimum esse oporteat, utpote quod unum reliquorum omnium perfectiones complectatur, majorem illud mentis impetum & singularem entusiasmum poeticum requirere; sicuti buccina & tuba violentiorem spiritum poscat, quam levis fistula aut palustris canna. Afflatui huic & furori celeberr. Petrus Petitus in dissertatione de Furore poerico in primis tribuit, quod Homerus & Virgilius inaccessam illam sublimitatem & virtutum poeticarum

Temple's Essay of Poetry p. 15. 16. 17.

rum metam contigerint, eoque adscenderint cogitatione, quo nemo alius tot consequentibus seculis quavis intentione mentis potuerit pervenire. Qua de re cum pluribus egerim in disquisitione de Enthusiasmo Poëtico, nolo semel jam dicta hic iterare. Neque contendam, non esse posteris a vetustate in hoc scribendi genere gloriam relictam, eoque se extulisse & indolem & poëticam antiquorum, ultra quem locum progredi nusquam posse videatur. Perinde quasi natura effoeta sic consenuisset, ut nemo ad Homeri aut Virgilii majestatem proxime accedere possit. Non autem illa, sicut pharmaca antiqua spiritu exhalato, vigorem amisit; nec velut ager fertiliter gignendo inops frugum & sterilis evadit; sic rerum natura cultu quotidiano animorum defessa pristinam virtutem penitus exhaustit; quamlibet, sicut terræ præclara vis ferendi nonnunquam deficit, ita fertilitatem ingeniorum quædam sterilitas sequatur. Hæc nimirum similis sideribus est de quorum nitore & virtute nihil quicquam ætas decerpit. Proinde Wilhelmus Wottonus Anglus ingenium hodiernos non destituere, sed accidentales quasdam circumstantias impediisse quod antiquis sint inferiores tueretur adversus opinionem celeberrimi Equitis Anglici Temple. Is cum de poemate Epico verba facit multus est ut probet, recentiores, quos respectu antiquorum nanos appellat, haud cole-

p. 68. 69.
f. 99.

*Ref. upon
anc. and
modern le-
arning by
Will. Wotton
Lond.
1697. chap.
3. p. 20. f.*

Temple scē. re campum tam amplæ segeti efferendæ oppor-
part. prem. tunum.

Ess. du scēa-
voir des
anc. & des
mod. p. 81. f.

§. XIV. Inquirat itidem in causam hujus
 dissimilitudinis doctiss. Antonius Sebastianus Min-
 turnus, conjicitque animi cum imperiti tum invi-
 di crimen præclaro ingenio præditos atque eru-
 ditione perpolitos a studio sequendi revocare.
 Cum enim indocti homines ad pangendum ejus-
 modi poema se non idoneos intelligant, iis invi-
 diam concitant quibus hæc laus obtigit, & sicuti
 veterum admiratores videri volunt, ita novos
 se fastidire non dissimulant: non quod illos vero

Mint lib. II. amore & plausu sed quoniam hos vehementi
de pœt. p. odio prosequuntur. Auxit horum iniquitatem
84. f. Venet. secundum Minturnum, doctissimorum virorum
1559. 4. modestia, qui cum veteres in honore & maximo

pretio habendos hortentur, iis nimium sibi que
 ipsis parum tribuere consueverunt. Deinde idem
 vitium cumulavit obtrectandi improbitas quo-
 rundam eruditorum, qui nimis interdum novi-
 tios averfantur, quia sunt novitii, & veterum no-
 mine confictos versus, eo quod veteres esse falso
 persuasum habent prædicatione mirifice efferunt.

§. 75. p. 38.
seq.

cujusmodi documenta in Diff. de Pœtis Episco-
 pis a me bene multa producta sunt; cum tamen
 nos veterum labores cum veneratione, recentio-
 rumque sine præjudicio & maledicendi libidine
 intueri oporteat. Hac enim detractione deter-
 rentur egregia indole viri, nullumque sibi laudis

locum

locum relictum perperam arbitrantur , & quos consequi desperant , haud consequuntur : iisdem forte non cessuri, quodsi animo reputarent, neque Virgilium, quodsi ita judicasset, Theocrito, Hesiodo, Homero, Ennio, Lucretio aliisque se præcedentibus poetis, neque Tullium, si non tentasset, se præcedentibus Oratoribus palmam præripere potuisse.

§. XV. Alii * opinantur solam Religionem Christianam obstare & impedire, quo minus nostræ ætatis Epici Poëtæ veterum dignitatem sustinere possint. Oportere enim ut Christiano indigna ornamenta excludant, quod nostra sacra nobis interdicannt machinarum usu, judice Jo. Drydenio, & ne Jovem, Minervam, Venerem &c. in poematis adhibeamus. Richardus Blackmore quamvis tueatur admirabilitatem Poemæ Epicum ab omnibus aliis poematis discriminare, veteres tamen quod interventu deorum suorum admirationem frequenter excitarint, per deorumque ministeria liberum spiritum præcipitarent, prærogativa gaudere, idq; poemati epico ef-

Dryden in his preface before his translation of Luvenal.

C 3

sen-

* Blackmore in sermone Principi Artburo præfixo, *some of our modern Criticks, inquit, have believ'd 'tis scarce possible for a Christian Poët to make use of this advantage of introducing superiour Invisible Powers into the Action, and therefore seem to despair of seeing an Heroick poem written now that shall reach to the dignity of those of the Pagans. They think the Christian Religion is not so well accommodated to his matter as the Pagan was; and if any attempt be made this way, Religion will suffer more, than the poem will gain by it. &c.*

sentiale & necessarium esse negat. Majora siquidem nobis commoda e sacris litteris affluant, quam quidem sufficere paganorum fabulæ possint. Ut id planum faceret documento suo Poëma Epicum se contexuisse scribit. Quo opere, secundum quosdam Criticos, contrariam sententiam satis superque diluit. Idem negotii suscepit Samuel Wesley, * qui contra Bolæum aliosq; in præfatione & opere ipso idem quod Blackmorus pluribus tuetur. A quibus non est sejungendus Johannes Drydenius, quoniam luculenter declarat cū vero Dei cultu & Christiana religione hautquaquam pugnare ut boni vel mali spiritus Poëma Christianum ingrediantur, in deorumque paganorum locum succedant.

§. XVI. Quidam quod seculo iminus felici vivant incitamenta nostros poetas destituere asseverant. Cum enim res græcorum floruerint maxime & vates in honore habiti sint, poeticam quoque facultatem floruisse. Imperante autem Octavio cum ad summum fortunæ fastigium adspirarit immensa imperii Romani majestas, ad summum quoque apicem gloriæ evectam esse Poeseos Romanæ dignitatem. Eadem declinavit ætate Tiberii & Theodosii plane lapsa est, uti observat elegantissime doctus editor operum Sannazarii. Secutis a barbarose-

Janus
Broukhuis
in præf. Sannaz.
Amstel. 1689.

* The Life of our blessed Lord and Saviour Jesus Christ. An heroic poem in ten books. attempted by Samuel Wesley, with a prefatory discourse concerning Heroick Poetry. Lond. 1694. fol.

ptentrione; immanium gentium crebris irruptionibus Musæ tandem exspirarunt. Inde barbaries aliquot sæcula occupavit, usque dum Fr. Petrarcha nitorem Musis & Musas nitori restituere pro virili cœpit. Capta deinde a Turcis Constantinopoli Græci artes suas Latio iterum intulerunt, adnitentibus ante alios Principibus Mediceis Mecænatibus redivivis, qui poetarum ingenia mercede præmiorum evocaverunt. Iis opus esse docto viro, ut tempus suum & studium variis scientiis impendendum lucubrationi poematis epici impertire possit, illustris Morhof. in
fius contendit. Augustum is desiderat qui no- *Morhof. in pref. poem, Germ.*
stræ ætatis poetam ut Maronem agris donet, nec solum salutis poetarum quemadmodum Medici, sed etiam ut Aliptæ virium & coloris rationem habeat. Exoptat ille ut hodierni vates eadem qua Capellanus felicitate fruantur, quem cum *Virginem suam Aurelianensem* perlongo *Perrault*
parturiret intervallo, a Galliæ Rege MMM & a *Paralel des*
Domino Longueville MMMM. librarum annuo *Anc. & ldes*
stipendio locupletatum Peraltus prodit. *Mod. T. II.*

§. XVII. Quod si pluribus liceret esse tam *p. 166.*
fortunatis soli poemati epico vacare commode *edit. Augst.*
possent, quod integrum prope spatium vitæ sibi deposcit. Quocirca Cardinalis Perronius quod *Mosaidos* titulo insignire poema in animum induxerat, inchoatum se reliquisse profitetur. Id forte etiam causæ est cur Jacobus Wallius *Pe-*

Conf. diff. mea de Studio Sc-nili p. 40. *trum Eremitam* in laudum suarum & epici poematis materiam haud converterit. Nam infessa sollicitudine eum labores suos perpoliisse in Belgio inaudiui. Eandem cum pauci poetæ hodierni ad pangendum poema afferant, nonnulli pugnant illos amore! sui corruptos laborisque immensi odio avocatos non eluctari inaccessam poematis heroici sublimitatem. Nimirum mel disciplinarum veteres ceratis tabellis dicunt commisisse, quo lentius ceræ stylus fuerit infixus, hoc in meditando animum fuisse morosiores, neque ut modo usu veniat mentis cogitata calamus præripuisse. Equidem P. Virg. Maro, cum triennium Bucolicis & septennium Georgicorum libris concessisset, poematis suo epico undecim (ita lego in vita Maronis edita a Ruæo & in edit. Norib. MCCCXCII. non duodecim, ut Cl. Polyhistor nuper tuitus est) annorum spatium impendit, & tamen ultimam operi æterno malum non imposuit. Sed & Actius Syncerus Sanpocsa p. 440. *conf. diff. mea de Enthus.* *pœt. p. 68. f. 71. f.* nazarius satis temporis (viginti annos) in poemate de *Partu Virginis* perpoliendo insumsit hacque immoderata correctione & lima opus potius deformavit; æque ac Lopez de Zarate, Jo. Capellanus alique poemata sua heroica cura diuturniore depravarunt.

§. XIIII. Proinde, ut tandem quod sentio & quod res est dicam, tantum abest ut acumen tetigerit Parrhasius, cum nimio imitandi studio adscribit, quod hodierni vates Poetæ Epici partes

tes nondum cumulatissime impleant, ut potius
 toto erret cœlo. Nimirum, ut rationibus non-
 nullis a me modo adductis nihil derogo, ita per-
 suasissimum habeo, ideo perfectum Poetam epi-
 cum ætatem nostram destituere, quod minus
 quam par est cum veterum artificio poetico re-
 centiores æmulentur. Quemadmodū enim proci
 de conjugio Penelopes desperantes ejus ancillis se
 dedere & commiscuere; ita cum antiquorum
 principumque poetarum artem se exæquatu-
 ros desperant, in recentum carminibus & inventio-
 nibus acquiescunt. Cum tamen si vel ma-
 xime spes non sit transeundi, magna tamen di-
 gnitas subsequendi habeatur, & sicuti non in-
 decorum superari, ita honorificum sit cum prin-
 cipibus Poetis decertare. Taceo differentia inter
 nostri & veteris ævi Poetas aliquam causam vi-
 deri, quod domesticæ lingvæ, quas pleriq; omnes
 ad contexendū carmē adhibent, majestati poëma-
 tis heroici impares dicantur. Hispanica, si fidē ha-
 beamus Rymero, Anglo, qui si quis alius *tragedia*
 laborat, nimis turgida & solum ad gloriationes ine-
 ptas & Thraſonicas, sicuti Italica ad genus dicen-
 di ludicrum, quod Galli *burlesque* nuncupant, non
 autem ad condendum epicum poëma, neque
 etiam Gallica, idonea est. De Belgica verba non
 facit, quam ut a poësi tecernamus auctor est Bar-
 læus, quamvis patrio sermone omnium optime
 carmina pepigerit. Is elegiæ ad Jac. van der Burch
 & Jo. Brosterhuyſium hosce versus inserit:

Rymer's
 Pref. bes.
 his trans-
 lation of
 Rapin's re-
 flex. &c.

Barlaam lib.
 II. eleg. p.
 366. f.

*Cur nimium tritas loquitur Venus aurea voces,
Ludit & in nostris vester Apollo sonis?
Major ab Ausonio consurgit gloria cantu,
Clarius Oenotrio nascitur orbe decus.
Non decet indoctam vatum sapientia turbam,
Et nimium vestro vulgus ab ore sapit.
Cernitis ut viles scandant Heliconæ puella,
Foemineumque riget Castalis unda chorum?
Scribite foemineis aliquid sublimius ausis;
Pangite, quod virgo non queat ulla, melos &c.
Barlæi civis culex. Hugenus eandem nostræ
cedere remittit:*

Gelyck het laege dal voor hooge Bergen doet.
Rymerus autem rudem Germanorū linguā atq;
impolitam, nec cum sua committendam impru-
denter pronuntiat; cujus dignitatem, abundanti-
am, vigorem, gravitatem habilitatemque præ
omnibus reliquis sermonibus ad pangendum he-
roicum poema pluribus se non declaraturum ait,
quod integro libro id præstiturus sit Cl. Sherieng-
hamus. Sed vero alibi jam monui, quod ad ger-
manorum linguam attinet, coecum de colore ju-
dicasse, quod ne verbū quidem teutonicū proferre
potuerit cum mihi sermo esset aliquoties cum
illo Londini. Quis vero Rymerum docuit lin-
gvam alemannicam a nemine excultam & li-
matam esse? Constat siquidem illustrissimum
ordinem, Societatem Fructiferam elegantiae &
munditiei sermonis hujus promovendæ causâ
jam

jam anno MDCXVII institutam, eodemq; tempore illius caput sive Directorem constitutum esse Ludovicum Principem Anhaltinum; adeoque septendecim annos eam prævertisse Academiam Francicam ad provehendum gallici sermonis cultum auspiciis Richelianis anno MDCXXXV. pariter stabilitam. Linguae autem Anglicanae effœminatam & mollem esse pronuntiationem a gravitate poematis epici prorsus alienam quem præterit?

Jo. Seb. Muller in Annal. domus Saxon. Vinar 1700. fol.

Conf. de lingua German. Liber. Morhofii p. 4. & 447-f.

Dryden dedic. to the Earl of Sunderland before Troilus and Cressida.

§ XIX. Neque negat id ipse Jo. Drydenius, linguæque suæ officere putat, quod non Romanam sed nostram parentem agnoscat, & monosyllabis consonantibus præpeditis, peregrinisque vocibus perinde redundet ac variis religionibus Amstelædamum. Merito itaque Cl. Thomas Hobbes in epistola ad Wilhelmum D'avenant auctorem epici poematis Gondiberti, * oportere ait, ut Æneadi & Iliadi id concedat ob sermonis quo scriptum est mutabilitatem, cui obnoxia sint omnes hodiernæ Linguae. Wilhelmus autem Wottonus non solum Græcæ & Romanæ, sed Gallicæ etiam atque Italicae linguæ suam postponit, & omnes vernaculo sermone scribentes

D 2

poe-

* Hobs in his pref. to D'av. Gond. p. 63. *I should say, inquit, that it would last as long as either the Æneid or Iliad, but for one Disadvantage, and the Disadvantage is this: The languages of the Greeks and Romans have put off flesh and blood, and are become immutable, which none of the modern tongues are like to be.*

poetas canones metricos quodammodo violare, syllabarumque mensuram parum attendere, adeoque cum veteribus non committendos esse post Vossium (qui naves Europæarum linguarum perinde ut Morhofius perdiligenter excussit) ingenue profitetur. **

§. XX. Quæ cum ita sint, suaque lingua prius nihil atque antiquius eruditis esse oporteret, haud scio an calculum queam sententiæ Parrhafii adjicere. Is cum non ignoret Italos & Anglos æque accives suos non modo vulgarem sermonem ad labores suos prosa oratione conscriptos adhibere, verum etiam antiqua scripta tantum non omnia vertere, vel potius traducere & nos a fontibus abducere; svadet ut itidem populari lingua Heroica poemata contexant.

Parrh. verba lege §. Quo facto quis non intelligit meliorum litterarum cultoribus necessitatem imponi dandi otium suum verbis peregrinis, quod rebus ipsis melius

po-
 ** Reflections upon Anc. and Modern Learning
 Chap. III. p. 25. 33. 34. f. *The quantities of syllables being in a great measure neglected in all modern languages, we cannot make use of that variety of feet which was anciently used by the Greeks and Romans, in modern poems. The guide of verses is not now length of syllable, but only number of feet, and accent. --- We Northern people often make a syllable short that has two or three consonants in it, because we abound in consonants: this makes english more unsuitable for some poems than french and Italian; which having fewer consonants have consequently a greater smoothness and slowness of feet and rapidity of pronuntiation. Conf. Voss. de poem. cantu p. 49. 50. 55. 56. 57. f. edit. Oxon. 1673. & Morhof. de Lingua Germ. p. 4. 450. 453. f. 561.*

poterat impendi? quis non videt meliores artes litterasque Parrhasium funditus subvertere, ac barbariei regnum iterum stabilire conari? De Græca lingua pluribus jam non loquar, quod de illa vere affirmaveris, quæ sua tempestate, cum græca ubique legerentur, de Latina Tullius affirmavit, illam terminis perexiguïs coerceri. Romana autē inter assiduas sermonum immutationes perstitit sola, & dignitatē incolumitatemque suam in marmoribus magisque in scriptis singulari Dei beneficio nunquam non retinuit. Quocirca quoties de pace, de bello, de foederibus aliisque rebus controversis & necessariis inter se agunt Reges & Principes, non sine dedecore & incommodo publico maximoque damno negligi potest. Illius dignitas utilitasque tanto major est, quo magis patet, & quo plures eam legunt & intelligunt: illa compositum poema scriptoris sui memoriam custodit diligentius, ac nominis dignitatem magis illustrat, eidemque immortalitatem elargitur. E contrario vernaculo sermone conscriptum carmen perinde ferre ætatem ac famam decusque auctoris sui nec foris conservare potest nec domi. Nimirum uti vestes ita patrius sermo subinde mutatur, & quibus regna obnoxius fatis nec immutabilitatem consecutus est: quotidie enim propemodum moritur & nascitur, pendetque vel ex vulgi libidine, vel ex judicio eruditorum, qui novas loquendi rationes ac formas inducunt, & pristinas significationes subinde immutant.

§. XXI. Omnem equidem lapidem move-

verunt Galli, ut suam viventium, quas vocant, linguarum constituerent Reginam, & ne affiduo agigaretur, redderent fixam. Jamque suæ ætate triumphavit Sorbierius, assumptoque nomine Laboureur publici juris fecit librum quem inscripsit: *Avantages de la Langue françoise sur la Langue latine*. quam sententiam fregit exaratis quibusdam litteris latinis Renatus Franciscus

Vossius de Slusius, ejusdemque rationes Isaacus Vossius
viribus præclare labefactavit. Nihil jam dicā de versibus
rhythmi p. Maresii quibus penes Santoliū in vates latinos in-
36. seq. sultat, propterea quod Romanus sermo non solum

Santol. p. mortuus & obscurus, sed etiam intricatus ipsi vi-
196. seq. detur: forte quia linguæ hujus compositio seu collocatio verborum non æque ac Gallicæ proxime accedit ad legem & ordinem naturæ. Hanc vero linguæ nondum satis cultæ horridiorisque

Voss. l. c. p. notam esse Vossius pererudite propugnat. Neque
40. f. tamen postmodum anno MDCLXXVI. Galliæ Regi defuere svasores, ut publica monumenta sibi usitato sermone curaret insigniri. Prodiit enim liber Francisci Carpentarii *de Arcu triumphali gallice inscribendo*, quo Musas latinas atroci

Tasson pen- stylo insequitur, patriasque litteras ipsis etiam
feri diversi latinis impudenter anteponit. Eadem im-
lib. 9. qu. portunitate Jo. Baptista Evangelista Picenus, & Alex. Tassonus Mutinensis Etruscum sermo-

Carrega nem Romano in scriptis suis publice prætule-
lib. II. Epist. runt: quorum audaciam styliq; mucronem egre-
p. 129. gie retudit; Jo. Nicolaus Saulius Carrega Ita-
lus

lus in Epistola data ad Jo. Franciscum Gropallum. Neque sui defuere Carpentario V. *Santol. oper. acad. ap. 179. usque ad p. 205. conf. p. 158. f.*
 Academico Antagonista. In quibus eminent Jo. Lucas & Jo. Baptista Santolius, Galli, poetæ latini præcellentissimi, qui Carpentarii institutum acute exagitaverunt, Tandem ipse Gallorum Rex LUDOVICUS XIV. veterem Quiritium sermonem suo prudentissime anteposuit: procul dubio quod sagacissime præsentiret tantum perpetuitati gloriæ suæ decessurum, quantum laudi usuique latinæ lingvæ eriperetur.

§. XXII. Agitur sane Latii salus, in disceptationemq; a Parrhasio vocantur quæ gloriâ Principū fortissimorumque factorum famam complectuntur. Plerique tamen omnes hodierni scriptores id non advertunt, neque satis consulant conservationi nominis sui & illius quod sibi celebrandum posteritatiq; propagandum sumunt. Neque hæc tu non intelligis, Parrhasi, & tamen græcum latinumque sermonem à poetica audacissime prorsus removes, eosdemque vulgaribus postponis & mortuos appellas: quos tamen nunc demum vivere, vigere & firma uti valitudine arte tenet disertissimus Muretus, acriterque defendit. *Muretus vol. II. orat. XVII. p. 173. f.* Postquam enim non a nutricibus sed a magistris discuntur, eosque ex populi servitute ex plebisque potestate doctorum usus vindicavit, inter tot rerum vicissitudines pristinam dignitatem conservarunt. Neque tantum modo vivunt, secundum Muretum, sed immortalitatem quodam-

quodammodo & immutabilitatem modo adepti sunt aliisque elargiuntur. Secus esset, si in vulgi potestate, & apud populum & jus loquendi & norma permanisset. Nec enim Tullium hodie intelligeremus, quemadmodum ejus temporibus non capiebantur quæ regnante Romulo & Numa litteris mandata exstabant. Jam vero non amplius fluctuant, sed ex certis petuntur scriptoribus, præceptionibusque certis continentur, & multis jam seculis immutabiles perseverant. Quis itaque non videt plerasq; domesticarum & novitate sua auribus blandientium linguarum a veteri eruditorum sermone dignitate tantum abesse, quantum a tempore? Et quis non indignissime ferat in locum & vicem puræ corruptam, in sobriæ temulentam, in dominæ pedissequam substituendam a Parrhasio affirmari?

§. XXIII. De linguæ Parrhasio vernaculæ vitiis hic locus esset sigillatim differendi, nisi hoc me labore Viri docti jam levassent. In iis Boissimonus * ante omnium oculos posuit Gallos æque ut alios novos oratores & poëtas in affectatam eloquentiam non affectare, sed inflato tumidoq; dicendi genere interdum nimis delectari. Quod quidem vitium cum majore periculo conjunctum, quia, secundum Fabium, cætera cum evitentur, hoc petitur. Mirum vero
ipsum

* *Les beautés de l'ancienne Eloquence, opposées aux affectations de la moderne* par Mr. de Boissimon Amstel. 1689.

ipſus etiam eloquentiæ gallicæ principis Balzacii ſcripta his nævis plena eſſe atque conferta, teſte Boſæo; * ubi ſermonem ſuū ob maximam vocum egeſtatem græco plurimum cedere. Itidem probavit. Eundē cum a locutionibus figuratis & metaphoricis valde ſit alienus, nec niſi paucis gaudeat poeticis vocibus, ad poema heroicū perpetuæ allegoriæ involvendū nō idoneū eſſe legimus penes Dominicum Bouhurſium. Simile quid Rapius affirmat, docetque genium civium ſuorum non eſſe habilem exprimendis magnificis ideis: quam ob cauſam poëtæ Galli ne umbram quidem ſublimis poëſeos Homeri & Virgilii etiamnum exhibuerint. Magis ille ingenuus Bouhurſio eſt, qui cum genti & lingvæ ſuæ addictior in illius laudes non raro nimis excurrit; ex ipſis elegantia ſermonis a Bouhurſio præſcriptis legibus Gallicum eſſe omniū abſurdiſſimum & maxime barbarum efficere admiſus eſt vir doctiſſ. Jo. Braunius.

*Bonhours
II. Entretien
d'Ariſte &
d'Eugene p.
68. 69.*

*e lit. quar-
ta.*

*Braun. in
Selectis ſa-
cris addita
exercit. III.
de ſtylo he-
braeo. Amſt.
1700. 4.*

§. XXIV. Meum non eſt facere diſceſſionem in hanc Braunii ſententiam: id tantum firmabo novis rationibus, quod probare coepi, Gallicam aliasque vernaculas linguas non perinde ut Græcam & Latinam ad Poema Epicum (de quo potiffimum verba facit Parrhaſius) pangendum idoneas videri. Nimirū in propatulo eſt poëtæ qui

E. vulga-

* Boileau ſur Longin reſt. 7. p. 215. 216. conf. p. 217. itemque celeberr. Polyb. Petri Bayle opus Hiſtor. in artiſt. de Balzacio & de Jo. Gulenio.

vulgari sermone poemata componunt rhythmis modo valde delectari. Quod quidem institutum quatenus probandum collaudandumque videatur singulari disquisitione propediem exponam: hoc loco tantummodo declaraturus Poematis Epici dignitatem, sublimitatem, severitatem, gravitatem & maiestatem videri quodammodo minui vocibus similiter cadentibus. Neque tamen accedo disertissimo Oratori Francisco Vavassori, cum clausulas illas numerorum pares omnino explodit, corruptæque & adulterinæ poëseos indicium esse, & risum moturas existimat, nisi res videri minus ridicula usu defisset. Abit ad illam opinionem Isaacus Vossius, & ἐπιμορφωτικά similesque versuum terminationes spurias, pseudorhythmos, inconditos, barbaros, inanes, insipidos, absonosque sonos appellat: quib⁹ similiter desinentibus vocabulis veluti appensis totidem tintinnabulis resonent vulgares versus. Ait enim quotquot artis Poeticæ vel Rhetoricæ præcepta tradiderint, tanquam scopulum sic vocabula ejusmodi consonantia & pueriles figuras vitandas monuisse. Deinde citat scriptoris Rhetoricorum ad Herennium verba, quibus dicat non modo tolli dicendi auctoritatem & fidem, sed offendi quoq; auditorem verbis resonantibus: propterea quod non videantur reperiri posse sine elaboratione & consumptione operæ, neque in his sit dignitas neque pulchritudo: quare cito satietate afficiant aurium sensum fastidiosissimum. Idcirco
opi-

Vavass. Orat. IX. de vitanda curiositate. Paris. 1649. 8.
Vossius de viribus rhythmi p. 25. seqq. p. 79.

opinor domesticos rhythmos averſatus eſt Arioſtus in Comœdiis, Taſſus in Amynta, Gvarinus ejus æmulus in Paſtore Fido, Petrarcha in nonnullis carminibus, de Meziriac in quibusdam Naſonis epistoſis gallice verſis, Mylius in oda belgica, Sluſius denique in litteris ad Sorbierium & Mareſius in epistoſa ad A. Halæum.

§. XXV. Quid dicam de Jo. Miltono pœtarum Angliæ extra controverſiam Principe, qui Poëma ſuum Heroicum *Paradiſum Amiſſum* æq̃ ac *Paradiſum Recuperatum* & *Sampſonem Agoniſten* poema dramaticum prorſus neglecta clauſula ſimiliter cadente feliciffime elucubravit: adeoque documento fuit poſſe utique rhythmos quibus in vernaculis verſibus utimur, a præcellentiffimo poëmate exulare. Præter Miltonum Angli non parum multi dramata eodem carminis genere conſcripſere: in quibus ceteris plurimum præſtitere Fletcherus, Johnſon & Shakeſpearius poëtae toto orbe celeberrimi. Quorum tamen exemplum æmulari noluit Johannes Drydenius. (Nam in diſſert. de poëſi dramatica rhythum Tragoediæ pulchre convenire pugnavit. Eadem Morhofii ſententia eſt, quam amplexari nequeo, propterea quod magna eſt Tragoediæ & poematis Epici, quod rhythmos non admittit, convenientia. Ad Germanos quod attinet, neque apud illos deſuere, qui ſine rhythmiſ, ſed non ſine laude ſcripſerunt. In iis Perilluſtris Seckendorſius, Lucani Pharſaliam, poſthabitis ſimi-

*The poëtica
works of
Mr. John
Milton.
London
1695. fol.*

*Comedies
Tragedies
and Operas
of Mr. John
Dryde. Lon-
don 1701.
fol.*

*Morb. de
pœſ. Germ.
cap. 8. p.
578.*

Lucani libus versuum terminationibus, germanico car-
Pharsalia a mine vertit : non solum quod in quærendis rhy-
Vito Ludov. thmis sæpe propter unicum verbum, ut versus
a Secken- cum altero æqualiter cadat, longe a proposito re-
dorf Consil. cedendum sit; sed ut ansa etiam pulchriores pro-
Brand. inti- vocandi inventiones ingeniis non servilibus præ-
mo germ. beretur. Institutum hoc suum celeberr. Morho-
versa Lips. 1695. 8.

sio, quicum communicavit manu sua exar-
 tam versionem, ita probavit, ut is, perlectis il-
 lis speciminibus, mutata in qua fuerat de rhy-
 thmis sententia, Seckendorffio suasor & auctor
 extiterit, ut nova hac pœtandi ratione orbem
 eruditum locupletaret. Videlicet Morhofius,
 qui, secus ac antiqui, allusiones & voces
 consonantes in scriptis suis frequentat, rhy-
 thmorum usum adversus Vossium pluribus

Morhof. de defendendum suscepit. Neque enim dubita-
lingua & vit eorum suavitatem perperam anteferre usui
pœsi Germ. pedum numerorumque qui semper viguit a-
p. 579. f. pud pœtas Græcos & Latinos. Idem tamen di-
 fert pronuntiaverat, in Numero Poetico, qui

Id. l. c. cap. veterum carmina incomparabilia reddiderit, vitā
VI de nu- & animā poematis consistere: illius autem capacē
mero pœt. non esse sermonem Germanorum, quia solam
p. 549. accentus habeat rationem (id quod de aliis Eu-
559. 561. ropæ linguis affirmant Wottonius & Vossius lo-
 cis §. 19. hujus diss. citatis.) Quocirca oportet

conf. Vos- utique recentem poetarum consuetudinem ve-
fig de rhyth teri, & vulgares rhythmos concedere numero
mo p. 33. & poetico Græcorum & Romanorum.
43.

§. XXVI. Ita se res habet: sicuti statuarii & pictoris studium in eo potissimum versatur, ut, quoad ejus fieri possit, motum & vitam suis operibus affingant: ita græcus & latinus poeta, operam navat, ut numero, sine quo mortua res est omnis poetica dictio & sonus inanis, oratio excite-
tur. Poeticus siquidem numerus efficit, ut Poësis sit omnibus numeris absoluta & flexanima rerum Regina, nec modo mentis incitet tarditatem, inclinantem erigat, stantem inclinet, verum etiam aver-
santem repugnantemque ad se trahat, & quibusdam quasi vinculis constrictam atque alligatam vi quadam suavissima detineat, captivam ducat, suspendat, atque extra se rapiat. Recte pro-
inde tradit Aristoteles artem poeticam in imitatione consistere: per quam actionum humanarum, morum atque affectuum expressionem Vincentius Madius, Lombardus alique interpre-
tes intelligunt. Qua arte Homerum super alios longe excelluisse quem fugit? Is vel una littera sæpe repetita rei naturam, & pelagi murmur hoc versu, secundum Vossium, explicavit:

*Aristot. de
pœtica e-
dit. Canta-
br. 1696 8.
cap. 1 p. 3. f.*

*Homer. Ili-
ad l. 15. p.
762. edit.
Comerfol.*

ἡμίονος βοῶσις ἐρευνχομένης ἁλὸς ἕξω.
Non dixit βοῶσις sed βοῶσις, ad ampliorem simili-
tudinem fluctuum maris exprimendam. Quod Voss. de vi-
vocabulum tam apte positum, teste Vossio, adeo
admirabatur Plato, ut non desint, qui scripserint
eum præ desperatione istiusmodi ὁνομαστικῆς for-
mandi deteritum combussisse poemata sua, ne

*Voss. de vi-
ribus rhy-
thmi p. 52.
53.*

nimum Homero inferior videretur. Illius etiam hæc tempestatibus pictura est:

*Longin de
sublim. a
Bolao ver-
sus c. 8. p.
39. 40.*

Ἐν δὲ ἔσται ὡς ὅτε κῶμα θοῇ ἐν νηὶ πύσης
δάσσειν ὑπὸ νεφέων ἀνεμότερες, ἢ δὲ τὸ πᾶσα
Ἀχχὴν ὑπερβύθῃ, ἀνέμοιο δὲ δεινὸς ἀήτης
Ἰσίου ἐμβρέμεται, τρομάσει δὲ τὸ φρένα ναῦται,
ἀειδίotes τυτθὸν γὰρ ὑπὲρ ἐκ θανάτου φέρειται.

Quibus versibus, secundum Longinum, Homerus singulos maris fluctus & nautarum pericula ante oculos quasi in tabula depicta vivide exposuit, nec secus versus torfit ac illos pavor mortis impendentis. illo ipso etiam vocum sono undarum in navem irruentium illisum, indeque ortæ perturbationis vehementiam efficacissime effinxit, ipsisque syllabis supra caput stantis periculi terrorem atque imaginem impressit. Itaque, teste eodem Longino, Pœtria Sappho violentiam amoris, ejusque repugnantes affectus mirifice oculis subjeci oda quam gallice a se versam sistit.

*Longin. l. c.
p. 38.*

§. XXVII. Maronem quoque hujus artificii peritissimum fuisse res ipsa & quælibet ipsius pagina loquitur. Quam mira verborum pernecitate, frequentibus dactylis adhibitis, rapidum turris lapsum describit:

convellimus altis

*Sedibus, impulimusque, ea lapsa repente ruinam
Cum sonitu trabis, & Danaum super agmina late
Incidit.*

Pari ingenio temporis summam festinationem exprimit:

Sed fugit interea fugit irreparabile tempus.

Spondæis autem Regis senis gravitatem imitatur:

Olli sedato respondit corde Latinus.

Eisdem scite adhibuit in hisce versibus:

Illi alternantes multa vi prælia miscent.

Illi inter sese magna vi brachia collant.

Porro gestum, vestigiis fixis, oculos circumferentis refert hic:

Confinis, atque oculis Phrygia agmina circumspexit.
Et naturam emulatur ille :

Quadrupedantem autrem sonitu quatit ungula campum.
quocirca cum, more suo, repetit:

Quadrupedumque levis viridem quatit ungula terram.
Equi velocitatem cum itidem Ovidius animo subijcit hisce modis:

Nox superest, collatur equis, urbemque petamus.

Dilla placent, franis impediuntur equi.

Pertulerant dominos, regalia protinus ipsi

Tecta pecunae: custos in fore nullus erat,

nullus equus, inquit Daniel Heinsius, ac vix cogitatio humana hanc celeritatem assequatur. Idem per elisionem equos cum versu quodammodo fecit subsistere:

Quadrifugos cernes sapere resistere equos.

quo carminis exitu usus etiam Propertius est. Is admirabili iudicio (verba sunt Jani Broukhufii Propertii rediivi) in ipsa pentemimeri syllabam elisit, quum ostendere vellet Antaeum tam arcto nexu ab Hercule fuisse pressum, ut nullis omnino modis solvi posset, nisi praefocata atque interstincta prius anima, itaq; cecinit:

Tu licet adspicias

Gerionae stabula, & luctantum in pulvere signa

Herculis, Antaeique, Hesperidumque choros: &c.

Haustrat hoc artificium noster de fontibus Maronianis:

Tertia sed postquam congressi in praelia, totasque

Implicuere inter se acies, legitque virum vir:

Tum vero & gemitus morientum, & sanguine in alto,

Armaque, corporaque & perimur exde virosum

Semianimes volvuntur equi: pugna aspera surgit

Ibi quoque rem ipsam vides atque intueris, non tantum

legis. Propertianam venerem bollissime expressit

Flaminius: *non vides ipsam libabo animamque,*

Camque tuis miscbo ossibus ossa mea &c.

Protea vero admirabiliter expinxit Licentius:

*Broukh. in
notis ad
Propert. l.
III. el. 21.
P. 313-314.
edis. Am-
stel. 1702. &
conf. p. 225.
C. p. 234.*

Spiras aper, fuit unda, fremis leo, sibilat anguis.

Plura de numeris metricis, legi merentur apud Minturnum & Vidam, qui de Christi morte his locutus est modis:

Supremamque animam ponens caput exbalavit.

§. XXIX. Hujusmodi versuum artificio inductus

J. A. Baifius non solum patriis rhythmis vale dicendum, verum etiam carmina more Græcorum & Romanorum faciendâ effecit: id quod ante illum teneaverat Stephanus Jodellus anno MDLIII. cujus hoc distichon citat Pasquierius:

*Pasqu. liv.
7. de ses
rech. ch. 12.*

*Phœbus, Amour, Cypris, veut sauver, nourrir & orner
Ton vers & ton chef, d'ombre, de flamme, de fleurs.*

*Sanmartin.
elog. l. 1. p.
16. 17. l. 5.
149. f.
Menage vie
de P. Ayrault p. 97.
Menagiana
Tomo I.
p. 119.*

neque tacet se ejusmodi elegiam finxisse, quamvis Baifii institutum non laudet. Idem tamen commendat Sanmartianus, & rem vocat omnium applausu dignissimam, si ex se non ex inveterata hominum opinione penderetur. Baifium in hac arte Nicolaus Rapinus, teste Card. Perrenio, superavit. Ex Italis Leonem Baptistam Albertum, idem genus versuum primum usurpasse memorie prodidit Menagius; idem qui alibi memorat Const. Hugenum suasisse, ut illud a Gallorum poetis reciperetur. Ego vero persuasum habeo genium linguarum popularium vetare, quo minus ad veterum numeros metricos poemata pangere possimus: quod argumentum Anonymus persecutus est luculenter. Neque tamen rhythmos ad poema epicum adhibendos censeo: propterea quod ejus natura a paronomasiis prorsus abhorret atque allusiones averfatur. Quoniâ vero ne sic quidem ad Græcorum Latinorumque dicendi vim & elocutionem poeticam assurgere, neque in verticem in quo Homerus & Maro constitit poterimus eniti; superest ut veterem Quiritium omniumque eruditorum sermonem ad præcellentissimorum poematum majestatem adjungamus, quicquid etiam Parrhasius contradicat, cujus rationes momento suo ponderare ad veritatemque revocare propediem pergam. Nunc

*Anon. verba
vid. in
Biblioth. u.
niv. anni
1688. n. 8.
p. 219.*

MANUM DE TABULA.